

乾

象

通

鑑

乾象通鑑卷第十二

河間府免解進士臣李季奉

聖旨編

十二次分野論

十二次分野總序

鄭分壽星之次

宋分大火之次

燕分折木之次

吳分星紀之次

齊分玄枵之次

衛分陬訾之次

魯分降婁之次

趙分大梁之次

晉分實沉之次

秦分鶉首之次

周分鷄火之次

楚分鷄尾之次

十二次分野總序

唐一行以為天下山河之象存乎兩戒北戒自三危

積石負終南地絡之陰東及太華逾河並雷首辰柱

王屋太行北抵常山之右乃東循寒垣至滅

呼注切

豕

朝鮮是謂北紀所以限戎狄也南戒自岷山嶓冢負地

絡之陽東及太華連高山熊耳外方桐柏自上洛南

逾江漢攜武當荆山至于衡陽乃東循嶺徼達東

甌閩中是謂南紀所以限蠻夷也故星傳謂北戒為

胡門南戒為越門河源為北紀之首循雍州北徼達

華陰而與地絡相會並行而東至太行之曲分而東流
與涇渭濟瀆相為表裏謂之北河江流自南紀之首
循梁州南徼達華陽而與地絡相會並行而東及荆
山之陽分而東流與漢水淮瀆相為表裏謂之南河
故於天象則弘農分陝為西河之會五服諸侯在
焉自陝而西為秦涼北紀山河之曲為晉代南紀山河
之曲為巴蜀皆負險用武之國也自陝而東三川中
岳為成周西距外方大伾北至于濟南至于淮東
連鉅野為宋鄭陳蔡河內及濟水之陽為仰衛漢
東淮水之陰為申隨皆四戰用文之國也北紀之東

至北河之北為邢趙南紀之東至南河之南為荆楚
自北河下流南距岱山為三齊夾石碣石為北燕
自南河下流北距岱山為鄒魯南涉江淮為吳越皆
負海之國貨殖之所阜也自河源循塞垣北東及海
為戎狄自江源循嶺徼南東及海為蠻楚觀兩河
之象與雲漢之所終始而分野可知矣

鄭分壽星之次

鄭分角亢壽星之次初起軫十一度外至氐四度
內於辰在辰其分野自原武管城濱河濟之南東
至封丘陳留陳蔡汝南之地逾淮源至于弋陽

漢陳留郡自封丘陳留已東皆入大火之分漢汝南
今為豫州西華南頓城縣今為陳州汝陰縣至潁
川弋陽縣在光州

西涉南陽北抵嵩之東陽

漢南即春陵湖陽蔡陽故分為春陵郡後魏以
為南荊州今有舊義陽郡在國之東界今為申
州按中國地路在南北河之間故申隨光三州皆

屬禹貢豫州之分宜為鶉火壽星非南方負海之
古陳幕隨許皆壽星分也氐星涉壽星之火故其分
野殷雒邑衆山之東與亳土相接

宋分大火之次

宋分大火房心大火之次也初起氐四度外至尾九度內於辰在卯其分野得漢之東郡陳留縣自雍丘襄邑小黃東循濟陰界至于齊魯右泗水達于呂梁及東南抵淮西南接太昊之墟盡濟陰山陽楚豐沛之地

濟陰縣之定陶寃句乘氏今在東郡大抵曹宋徐亳乃鄆州西界皆屬大火分

自商亳以北負河陽氣之所升也為心分自豐沛以南負河陽氣之所布也為房分故其下流皆為尾星

同占西接陳留為氐星之分國語曰歲在大火閔伯之
星也實紀商人傳曰高帝此有子曰閔伯遷于商丘
大火今有宋星然則商丘在宋地

燕分箕折木之次

燕分尾箕折木之次也初起尾九度外至斗十一度
內於辰在寅其分野自渤海河之北盡河間涿郡廣
陽國

漢渤海郡浮陽今為清池縣屬滄州涿郡之饒
陽今屬灤州涿縣良御與廣陽國之薊縣今在幽州
及上谷漁陽北平遼東樂浪玄菟

漁陽在幽州右北平有白狼無終縣隋代為漁陽
郡古孤竹後置北平郡今為平州遼東有無慮縣
即周禮醫無閭小樂狼有朝鮮縣玄菟有高句驪
縣今在東夷也

古之北燕孤竹無終及東方九夷之國皆析木之分也
得雲漢之末流北紀之所窮也箕與南斗相近故
其分野在吳越之東南國語曰武王伐紂日在析木
之津津天漢也析木次名從尾至斗為析木其間
為漢津

吳分星紀之次

吳分斗牽牛星紀之次也初起斗之十一度外至女
七度內於辰在丑其分野自廬江九江負淮水之南
盡臨淮廣陵至于東海

舒廬壽和濠揚皆屬星紀也

又逾南河得漢丹陽會稽豫章郡西濱彭蠡南
涉越州盡蒼梧南海

又逾嶺表自韶廣唐封梧藤羅雷州南及朱
崖自北以東爲星紀其西皆屬鶉尾之次

古吳越及東南百越之國皆屬星紀分也南斗在
雲漢之流殷淮南之間爲吳分牽牛去河南寢遠

故其分野自豫章東達會稽南逾嶺徼為越分島夷蠻貊之人聲教之所暨皆係于揚國云

齊分玄枵之次

齊分須女虛危玄枵之次也初起女七度外至危十五度內於辰在于其分野自濟北即東逾濟水涉平陰至于山茌

漢泰山即山茌縣今屬齊州西南之界

東南及高密

漢高密國今在濰州自北以上玄枵之次

又東盡東萊之地

漢之東萊郡又膠東國今為萊州登州是也
得漢之北海千乘淄州濟郡

今為淄青齊及青州東界也

及平原渤海盡九河故道之南濱于碣石

今為德棣滄州其北界九河故道之屬折木也
國語曰武王伐紂國星在天電故玄枵亦名天電

衛分陬訾之次

衛分營室東壁陬訾之次也初起危十五度外至
奎四度內於辰在亥其分野自王屋太行而東盡

漢之地

今懷州及衛州之西境

北負彰鄴東東及館陶聊城

取

子侯切

訾

子尔切

漢地自黎陽內黃及鄴魏武帝東至館陶元城皆屬魏郡自頓丘觀城武陽東至聊城皆屬東郡衛州之地

東盡漢東郡之地

漢東郡清河西南至白馬濮陽東至東河須昌濱濟至于鄆城今為滑州濮州鄆州其須昌濟東之地屬降婁非豕韋也

魯分降婁之次

魯分奎婁及胃降婁之次也初起奎四度外至胃六

度內於辰在戌其分野南屆鉅鹿東達梁父循岱山岳
衆山之陽以負東海又東至于呂梁東南抵淮水而
東盡于徐夷之地

東者降
姜之次

得漢東平魯國

漢東平國在任城平陰今在兗州

奎為大澤在陬訾下流濱于淮泗東地負山為姜
胃之墟蓋中國膏腴之地百穀之所負也胃星得
馬牧之氣與冀之比土同占

趙分大梁之次

趙分昴畢大梁之次也初起胃六度外至畢十一度
內於辰在酉其分野自魏郡濁漳之比得漢之趙國

廣平鉅鹿常山東及清河信都北據中山真定

今為洛趙邢常定冀思深八州又州分相魏傳
之北界與瀛州之西全趙之分也

又北盡漢代郡鴈門雲中定襄之地與北方群狄
之國皆大梁分

晉分實沈之次

晉分甯鰲參伐實沈之次也初起畢十一度外至
井十五度內於辰在申其分野得漢河東郡

今為蒲降晉州又得澤州及潞州界也

又上黨太原盡西河之地

上黨今為澤潞儀汾也太原今為并汾州西河之地今為隰州石州嵐州西涉河得銀州地也

西河戎狄之國皆實沈分也

今河東郡永樂芮城河北縣及河曲豐勝夏州皆為實沈之次得東井之分也

參伐為戎索為武政故殷河東盡大夏之墟上黨次居下流與趙魏相接為甯觶之分

國語曰實沈之墟晉人是居所以興也傳曰高辛

氏有季子曰實沈遷于大夏主祀參唐人是因成王

滅唐而封虞叔南有晉水于夏改為晉侯故參為地

秦分鷄首之次

秦分東井與鬼鷄首之次也初起井十五度外至柳八度內於辰在未其分野自漢之三輔及北地上郡安定西自隴抵至河右西南盡巴蜀漢中之地及西南夷犍為越雋益州郡極南河之表東至牂柯皆鷄首之分

鷄首之分得禹貢雍梁二州其郡縣易知故不詳載

狼星分野在江河上源之西弧矢鷄犬皆徼外之象也今之西羌土蕃蕃渾及西南徼外夷南皆狼星之

象

周分鶉火之次

周分柳星張鶉火之次初起柳八度外至張十六度
內於辰在午其分野自熒陽並京索暨山南得新鄭
密縣至於方陽

方陽之南得漢之潁川郡陽翟崇高郊城襄城南
盡葉縣今為許汝唐仙四州界又漢南陽郡北自
宛業南盡漢東在申隨之地大抵以淮源桐栢東
陽為限今之唐州屬鶉火申州屬壽星

又自洛邑負北河之南西及函谷南紀武當漢水之

陰盡弘農郡

漢弘農盧氏陝縣今為陝虢二州上洛商洛為商州丹水為均水宜陽沔池新安陸渾今屬洛州也古成周虢鄭管節東密滑焦唐申鄧皆鶉火分也及祝融之都

新鄭為祝融氏之墟屬鶉火其東鄙則入壽星舊說皆在角亢非也

柳星與鬼之東又接漢源故當商洛之陽南河之上流七星係軒轅得土行之正位中嶽之象也故南河之分張星直河南漢東與鶉尾同占

左傳曰古之火正之官或食于心或食味以出內火故
味為鶉火為大火

楚分鶉尾之次

楚分翼軫鶉尾之次也初起張十六度外至軫十一度
內於辰在巳其分野自房陵白帝而東盡漢之南
郡江夏

南郡巫縣今在夔州柿縣在歸州夷陵在峽州襄
郢申黃五州皆屬漢江夏界

東達廬江南郡

漢廬江之潯陽今在江州於山河之象宜尾鶉

濱蠡之西得漢長沙武陵桂陽零陵郡

零陵今爲道州永州桂陽今爲郴州大抵自沅湘
上流西道黔安之左皆楚之分也

又逾南紀盡鬱林合浦之地

鬱林縣今在貴州定林縣今在廣州合浦縣今

在桂州自富象昭龔繡峇白廉八州以西皆屬

荆楚鄭即羅權巴夔與南方蠻貊之國當河南之南

其中一星主長沙國逾嶺徼西南爲東甌青丘之分

今安南諸州在雲漢上源之東宜屬鶉火

乾象通鑑卷第十二

乾象通鑑卷第十三

河間府免解進士 臣李季奉

聖旨編

五緯歲星論

歲星總序

歲星四時占

歲星行

歲星退行

歲星光色

三 角 州

歲星休王色

歲星變惑相犯

歲星鎮星相犯

歲星太白相犯

歲星辰星相犯

歲星晝見

歲星他星相犯

客星犯歲星

流星犯歲星

歲星總序

傳曰歲星者東方春木於人五常仁也五事貌也仁虧貌失逆春令傷木氣則罰見歲星歲星無盈縮以其舍命國其所居乂其國有德厚五穀豐昌不可伐其對爲衝乃有殃歲星安靜中度吉盈縮失次其國有憂不可舉事用兵又曰人主之象色欲明光色潤澤德合又曰進退如度姦邪息變色亂行主無福又曰歲星主福主大司農主齊主吳司天下人君諸侯之過主歲五穀赤而角其國昌赤

黃而沉其野大穰

歲星四時占

天文星經曰人君春時當順少陽行德令率百官行慶賞下及兆民順天象授民時祈嘉穀布農事修封疆相地宜以導民躬命祀山林禁止伐木仲春命有司發倉廩賜貧窮振乏絕開府庫出幣帛周天下勲諸侯躬名士禮賢者則歲星無變若失令非時春行夏令則熒惑之氣干之其星變赤芒角國乃不昌雨水不時草木早落國時有恐國乃大旱煖氣早來蟲螟爲害人多疾疫時雨不降山陵

不收春行秋令則太白之氣干之星乃變色白無
光則人有疫癘風暴雨總至蓂莢蓬蒿並興其
國大水寇戎來征兵革並起春行冬令則辰星之
氣干之星乃變黑小水滂為敗雪霜大勢首種不
入陽氣不勝麥乃不熟寒氣時發草木皆肅若人
君順時行政貌恭心肅則歲星光明盛大無盈縮
儼而行中道降福德而示吉祥人君壽百穀成天
下安而民樂若酷亂恣情則讒臣奏變怒芒角降
示諸咎君道不昌百穀不成庶事不寧天下有兵
天文總論曰歲星者蒼龍之精仁和福德之星君之

象易曰帝出乎震齊乎巽是故人君行道德也其

星體大而光明潤澤所在之國宿分君壽昌人富

樂中國安四夷服人君令合於時歲星光潤年穀

登人君明則歲星明人君暗則歲星暗君從諫則

歲星如度姦邪止息若人君信讒佞拒忠諫則歲

星亂行失度君若無道縱使歲星在其宿分亦不

為福且如秦末歲星在東井東井乃秦之分野子

嬰不為福故秦二世之君終於屠滅漢祖之入秦

也修德布政約法三章與民更始秦人欣載遂成

王業頃羽後入燔燒宮室殘暴荼毒終至敗亡

歲星行

天文錄石中曰歲星所在之國不可伐可以伐人其德曰假令歲星在卯不可東征

石中曰歲星所居又其德有德厚所居易其國有德薄雖居之而徙搖前後左右人主不安

春秋緯文耀鉤曰歲星所居又不可以加兵所居易可以加兵

荆州占曰居之安國安居不安國不安又曰歲星未當居而居之當去而不去復還居復還居之皆為

有福

却萌曰歲星當移而不移民有憂諸侯四流不用其道

石申曰歲星去其舍之他舍所去失帝所之得地
甘德曰歲星所去國凶所之國昌

荆州占曰歲星所去宿其國樂所去宿其國饑又曰
所至之野有慶所去之野兵起

石申曰歲星當居而不居未當去而去已居之又東
西去之其國人主有憂

洛書曰歲星當居不居未當去而去不言主酷暴
班固天文志曰歲星當居不居國土安靜中度吉昌

出入不當其次必有天殃見其舍

歲星退行

天文總論曰歲星退行皆為凶災人君好侵陵諸侯禮樂不興則歲星不依數而退行一曰君令不順則歲星退行入陰者為內事入陽者為外事君事不止即歲星退行失次變色其國不可用兵五穀不登下有逐臣若歲星退行或遲或疾而失一次以上則人主驚社稷危天下起兵民去其土若歲星行正道則王者心正若歲星行不依正道則王者心行委曲此之謂失黃道也歲星若行陰道則

爲水滂君行急內其心過速親戚若歲星行陽道則爲旱君行寬大王者憂邊境歲星欲得大火則喜小則疾疫牛馬多死歲星初見小而日益大者所居之國利歲星乍見下不見其下國憂若故緩則歲星不行急則星過分歲星退乃占之

歲星光色

芒角附

荆州占曰君有德則歲星潤澤光耀而明又曰歲星色欲明而實天下安寧又曰歲星大則爲喜又曰歲星始正月受歲星色赤黃潤所居之野大穰其色黃白有爵祿之賞又曰歲星芒角則王者心平

天下安寧

文耀鉤曰歲星色赤有角所居國昌人主以武戰疆
歲星無芒角不勝

荊州占曰人君無德歲星無光進退無常此則人道
失類之應

春秋緯占曰歲星光黃君以文德治國時序豐穰君
臣斷金

海中占曰歲星芒澤色赤有子孫喜或有封王者色
黃得地色白有兵色青有令德色黑有水

荊州占曰歲星色黑有喪色黃歲豐色白有兵色青

多獄死色赤君暴又曰歲星在東方之宿色當青
若赤若白皆爲有兵黃大歲豐黑則有喪歲星在
西方之宿色當白而角色青有憂色赤有兵色黃
而大歲熱色黑而大兵喪歲星在北方之宿色當
黑而色青有憂色黃大歲熱色白有怒白而角有

兵

荊州占曰歲星正見南方芒指卯酉子午者王者心
正芒角邪不正則王者不正外邪以應外臣內邪
以應后妃

荊州占曰歲星有角人主怒若一角七寸外射者大

臣大使出期九十日若歲星有三角又芒近臣將
相憂期一百八十日歲星有五角王者自將兵期
一百八十日歲星有七角王者與四方戰期一年
歲星九角賢臣遠將無歲星無芒角王者內弱威
令不行

天文總論曰歲星出氣長三丈主有喪一亡大水歲
星出彗氣三丈三日而王不安天下兵亂

歲星休王色

天文總論甘德曰春如左角大而青有精光仲春之
時有芒角在冬曰相其色精明無芒角在夏曰休

其色赤黃無精明在四季曰囚其色青微黑在秋
曰死其色細不明若五色如經旨則天下和平當
其王時而有相色其宿國主弱臣強有休色主有
疾病之憂有囚色大赦有死色大喪其進舍也有
德令其退舍也有惡令所守之舍其下有逆德有
逐臣當其相時而有王色其宿國主弱臣強有休
色相免有囚色相憂有死色而相死留守之國行
中度天下和平當其休時而有王色其宿國有兵
有相色大臣傷有囚色果木損有死色五穀傷當
其囚時而有王色其宿國政令不行下謀其上有

相色臣下專政六月降霜有休色所謀不成有死
色公卿有憂所居之舍國有禍喪當其死時而有
王色草木榮華有相色草木枯折有休色土功興
有凶色下有喪

歲星與熒惑相犯

傳曰歲星與熒惑合闕殺大將為饑為旱

雖而復合合而復離曰闕

長曆曰歲星與熒惑合闕子憂父國憂賊歲星觸熒

惑國亂憂病

兩體俱動而直相觸

歲星守熒惑為敗有賊

居

不去為守

季淳風曰歲星與熒惑相犯為大戰

相去事為犯

司馬彪曰歲星與熒惑相犯姦臣殺大將若戰客勝
武密曰歲星蝕熒惑三年國亡

晉元帝大興二年八月乙未歲星熒惑合在翼占曰
為兵饑至永昌元年王敦攻京師六軍敗績王敦
尋死

晉穆帝永和七年歲星與熒惑合于奎其年劉顯石
祇及諸胡率中土大亂

晉安帝隆安元年二月歲星熒惑皆入羽林占曰中
軍兵起四月王恭等舉兵內外戒嚴

宋文帝元嘉十六年十月歲星熒惑相犯在亢占曰

有大喪其後皇后袁氏崩尚書僕射殷景仁薨

宋孝帝大明六年五月歲星熒惑相犯在翼占曰為
饑為旱近臣謀至明年揚徐大旱穀不收後三年
帝崩宰輔伏誅

歲星與鎮星相犯

傳曰歲星與鎮星合為內亂為饑一曰太子反國辱

若角相及同光曰合歲星觸鎮星太子王公病兩體俱動兩直相觸歲

星守鎮星其下城敗歲星退犯鎮星皇太子叛東

及西日退

古今星釋曰歲星與鎮星各關其下有兵亂一曰有

急兵

大象旁通曰歲星與鎮星相犯以至凌奪者下有死
君一曰國禘祀

晉惠帝光熙元年九月歲星犯鎮星占曰為內亂是
時司馬越專權終以無禮破滅內亂之應

晉簡文帝咸安二年正月己酉歲星犯鎮星在須女
占曰為內亂七月帝崩栢溫擅權謀殺侍中王坦
之等內亂之應

晉安帝義熙七年七月丁卯歲星犯鎮星在參占曰
歲鎮合為內亂一曰益州戰不勝亡地是時朱齡

石伐蜀後竟滅之明年誅謝琨劉毅輩

歲星與太白相犯

傳曰歲星與太白相犯大臣出女主喪

七寸內光芒相接曰犯

歲星觸太白四夷來親王室歲星守太白四序不

調陰陽失節

居而不守

歲星與合鬪大將死

芒角相及曰合鬪而

復合合而後雜曰鬪

甘德曰歲星犯太白草木再死再生

魏明帝太和四年十一月壬戌歲星太白相犯占曰

有太兵五年三月諸葛亮以大衆寇天水時宣帝

為大將軍拒退之

晉懷帝永嘉元年七月歲星太白聚牛女之間徘徊
進退按占曰牛女揚州分野是後兩都傾覆而元
帝中興揚土

晉成帝咸康三年十一月乙丑歲星太白相犯營室
占曰為兵饑四年二月石季龍破幽州遷萬餘家
以南五年季龍衆五萬寇河南略七千餘家而去
又騎二萬圍陷邾城殺略五千餘人

晉海西公太和元年八月戊午歲星太白相犯在太
微中至六年海西公廢

晉孝武太元十年十二月己丑歲星太白相犯占曰

為兵饑是時河朔未平兵連在外大饑

晉孝武帝太元十九年十二月癸丑歲星太白相犯
在斗占曰為亂饑為內兵斗兵越分至隆安元年
王恭等舉兵顯王國寶之罪朝廷殺之是後連歲

水旱饑

晉安帝元興元年八月庚子歲星太白相犯在上將
東南占曰楚兵饑一曰災在上將二年栢玄篡位
三年劉裕誅栢氏

宋廢帝元徽三年七月丙申歲星太白相犯在角占
曰角為天門國將有兵破軍殺將在外七月建平

王景素據京口反五年七月帝以兇惡百司不自保
保因七夕大醉揚正夫等入氈幄中殺帝而以麩
盛首夜送領軍府是年十五

後周建德三年十一月丙子歲星太白相犯在危占
曰其分有兵主人失城邑危齊之分後二年宇文
神舉兵殺陸渾等五城

歲星與辰星相犯

傳曰歲星與辰星相犯主兵相去七寸為化歲星犯辰星太

子憂

武密曰歲星觸辰星主憂有病歲星守辰星憂賊

荆州占曰歲星與辰星相合七日以上其國君臣和
道德相生朔一百八十日

漢相帝元熹七年七月戊辰歲星辰星相犯占曰為
兵是時諸鄧等犯刑又荆州刺史芝交阯刺史葛
祇皆為賊所拘略桂陽太守任胤背敵走皆棄市

歲星晝見

傳曰歲星晝見為臣強

古今星釋曰歲星晝見其下有更王亦曰有革命之

主

大象旁通曰歲星晝見所主不一當以色占之黃潤

光澤其國大穰色蒼白有芒角其國有強臣以兵
叛主色青主歲饑色赤主人臣有震主之威色黑
主歲大水并邑通舟

晉惠帝永寧元年四月歲星晝見占曰為不臣為更
王其國不亡則大亂是後台鼎方伯互執大權二
帝沉亡遂至六夷更王迭據華夏

晉惠帝永寧二年四月癸酉歲星晝見占曰為臣強
初齊王固定京都因留輔政遂專傲無君是月成
都河間檄長沙王乂討之固乂交戰攻燒宮闕回
兵敗夷滅又殺其兄上軍將軍寔以下二十餘人

大安二年成都攻長沙於是公私饑困百姓力屈
晉孝武帝太元十一年六月甲午歲星晝見在胃占
曰為臣強曾有兵至十二年慕容垂寇東阿翟河
上姚萇假號安定符登自立隴上呂光竊據涼土
晉安帝隆安二年六月戊辰歲星晝見在胃兗州分
野是年六月却恢遣鄧啓方等以萬人伐慕容寶
於滑臺敗而還

梁武帝天監四年六月壬戌歲星晝見占曰歲星色
黃潤立竿影見大熟是歲大穰米斛三十文又歲
星與日爭光武弱文強自此後帝尚文儒躬自講

說終于太清不修武備後失帝業

隋高祖開皇元年四月壬午歲星晝見占曰大臣強有逆謀王者不安其後劉昉等謀反伏誅

歲星與他星相犯

傳曰歲星與他星合人主不安

春秋緯文耀鉤曰歲星與他星聞人主不安他星薄之主賊

荊州占曰他星薄之人主有謀又有賊

巫咸曰他星守歲星有憂

客星犯歲星

荆州占曰客星與歲星聞不出其年強國易政

甘德曰客星守歲星人主憂

古今星釋曰客星守歲星其下有刺客欲謀人君一

曰暴客入天子廷

大象旁通曰客星犯歲星其國有兵憂賊害良民一

曰天子憂兵

流星犯歲星

荆州占曰流星入歲星色蒼黑則大農死色赤歲大

病天下饑色黃白歲樂足食

却萌曰流歲星其國大臣殺主一曰相戮

陳卓叙占曰流星抵觸歲星其國有強兵一曰有大
臣逼主以擅主權

大象旁通曰流星出奄歲星其國有自立侯王一曰
有不臣之人

乾象通鑑卷第十三

乾象通鑑卷第十四

河間府免解進士巨李季奉

聖旨編

五緯熒惑論

熒惑總序

熒惑四時占

熒惑星行

熒惑退行

反明吐
舌附

熒惑光色

芒角附

熒惑休王色

熒惑與歲星相犯

熒惑與鎮星相犯

熒惑與太白相犯

熒惑與辰星相犯

熒惑失度

熒惑與他星相犯

彗惑與祿星相犯

彗星犯彗惑

流星犯彗惑

彗惑總序

晉書曰彗惑南方夏火禮也視也禮虧視失逆夏令傷火氣罰見彗惑彗惑法使行無常出則有兵入則有兵散以舍命國爲亂爲賊爲疾爲喪爲穢爲兵所居國受殃環繞鈞已芒角動移變色卞前卞後卞左卞右爲殃愈甚其南丈夫北女子喪周旋止息乃爲死喪寇亂其野亡地共失行而連兵聚其下順之戰勝又曰彗惑主大鴻腫主死喪主司

空又爲司馬主楚吳越以南又司天下羣臣之過

司驕奢亡亂

扶音

孽

魚川切

主歲成敗又曰熒惑不

動兵不戰有誅將其出色赤怒逆行或鈞已戰凶

有圍軍鈞已有芒角如鋒刃人主無出宮下有伏

兵芒大則人衆怒又爲理外理則兵內理則政故

曰明天子必視熒惑所在其入守犯太微軒轅營

室房心主命惡之

熒惑四時占

天文星經曰人君常以夏時修熒惑之政則君聖臣

忠父慈子孝咸得其政不失禮節命相贊傑俊遂

賢良舉長大行爵出祿必當其位挺重囚出輕繫
則熒惑順軌而無變易若失令非時以夏行秋令
則太白之氣干之其星色白而昧苦雨數來五穀
不滋草木零落果實早成人殃於疫行春令則歲
星之氣干之其星色青而變則蝗蟲為災暴風來
格秀草不實五穀晚熟夏勝時起行冬令則辰星
之氣干之其色黑而怒則草木早枯水敗城郭凍
雹傷穀暴兵來至

天文總論曰熒惑者朱雀之精也為執法為內庭司
察君臣之過熒惑繫于離火也凡物之常動者炎

能照耀亂察燔燒蕩除異氣故火行疾於歲星而象於禮官察獄訟以罰百物照于四方告示人君者也若邦有道天下和平熒惑乃疾行而東則無守犯陵奄鈞己之災

熒惑星行

天文錄荊州占曰熒惑從之吉逆之者凶

甘德曰熒惑出入進退以戰背之大勝逆之大敗

荊州占曰熒惑出復入其宿國軍死又占曰熒惑當出而不出為民流亡當入而不入所在國殃

申石曰熒惑所入之宿國有殃旋至者殃雖大當小

居之久而殃乃至者殃當小反大既以去之而復
還居之而有動者其殃愈甚

荊州占曰熒惑所居久其野有兵入其宿三日其野

憂火

文耀鉤曰熒惑居久者三年禍發中二年近一年居
其陰萬家邑拔千家邑驅掠居其陽萬家邑拔千
家邑拔千家邑亡以去宿復還守之不動不搖其
憂甚多從陰亡地三百里

巫咸曰熒惑出東方若西方行疾至宿而留二十日
已上去之若復返其所留之宿則其國君死

荊州占曰彗惑出東方若西方留遲者強國之主死
又曰留一月已上爲憂喪爲饑爲兵四孟之月侯
壬受之四仲之月大臣受之四季之月民受之

却萌曰彗惑以庚辛日留天子有喪有兵

荊州占曰彗惑留宿一月不去其國亡所止三月已
上國亡相死主大憂又曰彗惑不動兵不戰而有

誅將

石申曰邦有凶彗惑往守之

荊州占曰彗惑行而明其國有道

彗惑退行

反明附吐舌附

天文總論曰熒惑退行其災甚也若其國失禮失夏
政則熒惑退行若退行一舍二舍其下有殃或有
火災居之三月其邦殃其居之五月其野受兵居
之七月其下地半亡居之九月十月其下之地全
亡熒惑出東方退行一舍其野亡地以戰不勝色
悴小其國君有憂退二舍為不祥退行至五舍者
大臣謀叛若人君宰相之治推擇不以德聖隱蔽
而不肖者進遠忠臣而近讒使則熒惑退行變色
熒惑退行色赤而怒為兵退行成鉤已戰凶有圍
若環繞有芒角如鋒刃人主無出宮下有伏兵若

人君視虧禮失則熒惑反明又曰禮經不用則熒惑反明

天官書曰熒惑反明主命惡之熒惑從北入南是謂持水入火不出三年國有喪兵起南方若熒惑出宿行而北天下大早有兵罷乍東乍西者國有憂熒惑從宿南行疾者饒人將起熒惑妄行一東一西一南一北主失志青為憂赤為兵黃為喜白為喪黑為水熒惑失行而北是謂水制於火有兵兵罷天下旱若變色失行而留者亡所抵有兵熒惑失度而妄出宿間天下兵始作熒惑東則兵東

西則兵西南則兵南北則兵北若朝多讒臣則筮
惑吐舌筮惑常以十一月受制於太微宮此為古
說膠柱宜以歷數推之

筮惑光色

芒角附

巫咸曰筮惑大其常吏且絕其法諸侯亂其政
春秋緯文耀鉤曰主亂雲而侵則筮惑光益大

荆州占曰筮惑赤大昭然而芒其野有兵筮惑大而
赤角有兵兵出有攻戰客利背之者勝向之者敗
若兩敵相當其日大以其日利其日小以其日不
利上旬為陽國中旬為中國下旬為陰國若是星

大赤利出有功小出則無功以其日占若熒惑始出大而日益小者其國不利始出小而益大者其國利

却萌曰熒惑赤色光澤不出二年兵喪並起色黑多芒所居之野其國有祲色黃所居宿有土功事色變正白冬有喪白圓而光其野病旱色正白無芒所居宿有女喪多芒所居宿其國有男喪色黑而芒北方利色蒼黑有水熒惑青而芒東方國利青色而角其國有兵憂未年春五穀草木肅殺又曰色青為大兵旱秋火色變正赤者其秋有兵又曰

曰色赤百姓有憂熒惑始出色赤而芒兵赤色有兵
從之生芒為主憂角則兵起為主怒熒惑芒曰正
旗所指破軍殺將從正旗而伐之大勝

熒惑休王色

天文總論甘德曰熒惑在夏曰王比心大星而有精
明仲夏之時有芒角在春曰相其色精明在四季
曰休色黑無精明在秋曰囚其色青白不明在冬
曰死其色黃黑細而不明其色如經者天下和平
當其王時而有相色相敵主聰有休色政令不行
有囚色讒臣用事有死色當有大喪其留守也不

可舉事用兵其進舍也其國不祥其退舍也其下
有旱當其相時而有王色所居之國受殃有休色
讒臣在傍有囚色國有捕囚及於將相有死色大
臣誅傷其留守也其國兵起其進舍也有蝗蟲其
退舍赤地千里當休時有王色其國受殃有相色
其邦亂臣下不從有囚色有小兵有死色盜賊橫
行廟堂有火災其留守也所居之國受殃其進舍
也災傷其退舍也利舌危當其囚時而有王色大
臣有憂有相色臣下毀傷有休色死者道路寇蓋
相望有死色丁壯從軍有進舍也有兵殃其退舍

也有祿言當其死時有王色宗廟不饗有相色大臣攝政有休色宗廟有火邊有沒地有囚色丁壯多死以兵所留之舍其國有兵其進舍也多微風其退舍也多水

熒惑與歲星相犯

傳曰熒惑犯歲星冊太子當有赦

相去寸七為犯

熒惑觸歲

星有子天下受殃熒惑守歲星太子憂敗

古今星釋曰熒惑抵犯歲星其野有兵起若犯之既去而復抵犯之天下受殃亦曰天下有憂

大象旁通曰熒惑守歲星卷星不見主上下失叙君

臣之分不嚴亦曰主弱臣強國將失祚

晉惠帝大安三年正月熒惑犯歲星占曰有戰七月
左衛將軍陳眎奉帝伐成都六軍敗績

晉穆帝升平五年十月丁卯熒惑犯歲星在熒室占
曰大臣有匿謀一日衛地有兵是時相溫擅搆謀
移晉室

晉穆帝永和六年三月戊戌熒惑犯歲星占曰為戰
至次年劉顯殺石祗及諸胡帥中土大亂

熒惑與鎮星相犯

傳曰熒惑觸歲星當有刀兵主病熒惑守鎮星殺太

子內有賊熒惑犯鎮星為大戰

李淳風曰熒惑犯鎮星兵大起一日女子當之又曰

熒惑入鎮星將軍為亂

大象旁通曰熒惑與鎮星相犯其下有土功百姓勞
怨若犯鎮星環繞成鉤已其國地半亡

陳卓叙占曰熒惑與鎮星相抵觸其國有死君亦曰
有亡國若既去而復來居之居之文又有抵觸其
下有急兵亦曰暴兵至

晉穆帝升平二年八月戊午熒惑犯鎮星在張占曰
兵大起至五年五月關中抵師殺符生而立堅十

二月慕容駿入化鄴

晉穆帝永和四年五月熒惑入婁犯鎮星占曰兵大起有喪災在趙其年石季龍死來年冉閔殺石遵及諸侯十萬餘人其後諸袁北伐喪衆而薨

晉安帝義熙四年十月癸巳熒惑入大微犯西蕃上將仍順行至左掖門內留二十日乃逆行至恭帝

元熙元年三月五日出西蕃上將西三尺許又順還入大微時鎮星在大微熒惑繞鎮星成鉤巳其年四月丙戌從端門出占曰熒惑與鎮星成鉤巳天庭天下更紀十二月安帝母弟瑯琊王踐祚是

曰恭帝來年禪于宋

宋高祖武帝永初元年十一月乙卯熒惑犯鎮星在
角占曰角為天門熒惑鎮星犯之為兵喪大人惡
之三年五月帝崩索頭攻略青司兗三州於是禁
兵大出是後司徒徐羨之尚書令傅亮領軍謝晦
等廢少帝內亂之應

陳文帝天嘉四年七月戊子熒惑犯鎮星占曰大人
惡之次年四月帝崩

熒惑與太白相犯

傳曰熒惑犯太白主亡天下憂兵起熒惑觸太白當

有暴兵主有賊榮惑守太白主不安

武密曰榮惑在太白南有偏將軍戰主人君憂榮惑

環繞太白偏將死榮惑守太白北太子憂守南庶

子憂榮惑從太白下上抵不入軍急不戰

相觸而正日抵

未嘗來而

未日入 榮惑摩太白數萬人戰軍破人主死榮

惑襲太白兵起

相侵曰襲

魏孝文帝承明元年五月己亥榮惑太白俱入軒轅

相犯占曰民饑時州郡水旱蝗蟲民饑詔開倉賑

如之

榮惑與辰星相犯

傳曰熒惑與辰星相近不可用兵一曰野有兵不戰若兵在外亦罷

武密曰熒惑辰星會為焯

音對切
雙刃也

用兵受殃一曰大

旱熒惑與辰星相合秋合有兵冬合有喪熒惑觸辰星有異姓王熒惑守辰星太子憂有赦

晉安帝義熙三年六月辛卯熒惑犯辰星在翼占曰天下兵起至四年姚略遣衆征赫連勃勃大為所破

晉義熙五年四月甲戌熒惑犯辰星在東井占曰皆為兵至次年四月劉裕討慕容超六年二月滅慕容

容超于魯地

熒惑失度

天文別錄曰熒惑失度謂常見忽然不見者爲失度
一以爲或不當見而見當見而不見者皆爲失度
也若熒惑逆行而又失度其國有大兵喪亦曰國
有憂則熒惑失度

大象旁通曰熒惑失度再見而失常色其野有改王
亦曰有亡國

後魏明帝神瑞二年十二月戊午太史奏熒惑在匏
瓜星中一夜忽然亡失不知所在或謂下有危亡

之國帝乃召諸碩儒與史官求其所詣崔浩曰請
以日辰推之庚午之夕辛未之朝天有陰雲熒惑
之亡當在此二日之內庚與午皆主於秦辛爲西
夷今姚興據咸陽是熒惑之秦矣諸人皆作色曰
天上失星人安能知其所詣而妄詣無驗之言浩
笑而不應後八十餘日熒惑果出東井留守藍旋
秦中大旱赤地昆明池水竭明年姚興死二子交
兵三年國滅於是諸人皆服

南齊世祖永明八年六月丙申大雷有黃光竟天照
地狀如金色王融上金天頌王摛曰此熒惑光也

至十一年魏帝謠言曰赤火南流喪南國是歲有
沙門從北齋火而至色赤於常火而微云以療疾
貴賤爭取之都下咸曰聖火詔禁之不止火灸至
炷而疾愈是月上不豫徙御延昌殿如登階而殿
鳴吃上惡之至是而崩尋廢帝鬱林王昭業不道
齊室遂亂

熒惑與他星相犯

石申曰熒惑與他星會而闖者為禍

星光耀相
違曰會

荆州占曰熒惑與他星相犯天下兵起若他星破熒

惑為禍

星從熒惑
中出為破

熒惑破他星刑事雖有不能為

禍若熒惑與星合相陵而聞

在上而

下而二星相近者

其殃大二星相遠者其殃小

熒惑與祿星相犯

傳曰熒惑出東方及行以西有小星擊之即去所宿

之國受兵

入此宿者為宿

荆州占曰熒惑貫小星殺小將

西入東出為貫

熒惑之陰有

小星去四寸已內諸侯有小兵熒惑之旁有小星

兩一在南一在北皆四寸已內諸侯徙熒惑之旁

有小星兩一在東一在西皆四寸已內諸侯橫

荆州占曰流星入熒惑國多饒臣天子備火

客星犯熒惑

天文別錄曰客星與熒惑相犯而陵奄者其國有哭泣事若客星奄熒惑而居陽則有男喪客星奄惑熒居陰則有女喪

大象旁通曰客星大如五升器陵犯熒惑者其國君憂若客星與熒惑光芒相指其野有亂臣亦曰君弱臣強之象

陳卓叙占曰客星貫熒惑者其野有更令一曰有新法令

一行將儀後論曰客星與熒惑者會其國有死將不

然軍潰城陷

流星犯熒惑

天文別錄曰流星犯熒惑其野有出使色白主兵色
青主有憂色赤主內亂色黃則吉色黑主哭泣事
陳卓叙占曰流星抵觸熒惑卷星不見其野有走君

亦曰人君去國百姓離鄉

大象旁通曰流星犯熒惑遇之有聲如雷其國有更
王亦曰革命主